

**PM Hadir Sambutan Aidilfitri Setiausaha Kerja Umno  
Bernama  
1 Sept, 2013**

KUALA LUMPUR, 1 Sept (Bernama) -- Datuk Seri Najib Tun Razak malam Ahad menghadiri majlis rumah terbuka Aidilfitri Setiausaha Kerja Umno Datuk Ab Rauf Yusoh di kediamannya di Hulu Klang di sini.

Ketibaan Perdana Menteri disambut Rauf, Menteri Dalam Negeri yang juga Naib Presiden Umno Datuk Seri Ahmad Zahid Hamidi, Timbalan Menteri Kewangan dan Ketua Penerangan Umno Datuk Ahmad Maslan serta Ketua Wanita Umno Datuk Seri Shahrizat Abdul Jalil.

Tetamu kehormat itu kemudian dijemput memotong kek sempena Hari Raya Aidilfitri dan ulang tahun ke-56 kemerdekaan negara.

Perdana Menteri meluangkan masa hampir 40 minit di majlis itu.

Turut hadir Menteri Pertahanan yang juga Naib Presiden Umno Datuk Seri Hishammuddin Hussein, Menteri Besar Kedah Datuk Mukhriz Tun Mahathir, dan Anggota Parlimen Rompin Datuk Seri Jamaluddin Jarjis.

Kira-kira 5,000 tetamu hadir di majlis itu.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=974298>